

## Marthe Hammer (SV); om pensjon

«Viser til RS sak 6/20 om kjenninga i Oslo byfogdebete når det gjeld oppfølging av fylkestingets vedtak om tenestepensjon, og tek denne til etterretning

Spørsmål 1: Kvifor er det ikkje er ei referatsak om at fylkeskommunen sitt avslag på innsyn til sakspapira til saka om tenestepensjon vart oppheva av fylkesmannen i brev av 17.desember 2020. I vedtaket står det at saka skal til ny handsaming i fylkeskommunen. Kvifor ligg ikkje dette føre som ei referatsak.

Fylkesmannen gjorde slikt vedtak 17.desember:

«Fylkesmannen opphever Vestland fylkeskommune sitt avslag på innsyn i saksframlegget for Fylkestinget og evalueringsrapport fra Pareto Forsikringsmegling AS datert 11.09.2020 i sak 2020/38029. Saken hjemvises for ny behandling i kommunen.»

Spørsmål 2: Kva har fylkeskommunen tenkt å gjere i den nye handsaminga? Vil alle sakspapira verte offentlege, på kva måte?

Spørsmål 3: Saka om tenestepensjon har vore unнатеke offentlegheit gjennom heile prosessen, men kjennelsen i Oslo byfogdebete er tydeleg på at dei to tilbydarane hadde to jamngode tilbod, og at det var skjønnsmessige vurderinger som vart avgjerande for å velje den eine framfor den andre, og at det har fylkestinget rett til å gjere. Kva er fylkesrådmannen sine vurderinger rundt sakshandsaminga og offentlegheits mulighet til å følgje med og diskutere ei så viktig og prinsipiell sak, når det no viser seg at ein ikkje får medhald frå fylkesmannen i at sakspapira skal vere unнатеke innsyn?»

### Svar frå fylkesrådmannen:

#### **Svar på spørsmål 1:**

Etter at Oslo byfogdebete si avgjersle kom 18. desember 2020 vart arbeidet med å underteikne kontrakten med Storebrand prioritert. Denne måtte som kjent vere inngått før årsskiftet. Det er vanleg praksis at Innkjøpsseksjonen handterer alle krav om innsyn i tilbod, fordi det til grunn for desse sakene hovudsakleg ligg eit fagleg skjønn. Det er ikkje vanleg praksis at spørsmål om innsyn i ordinære anbodsprosessar vert lagt fram til politisk orientering eller handsaming.

#### **Svar på spørsmål 2:**

Vestland fylkeskommune vil sladde ut alt som er forretningsløyndomar av saksframlegga og gje innsyn i sladda versjon av innstillinga frå Pareto og innsyn i sladda versjon av saksframlegget til administrasjonsutvalet, fylkesutvalet og fylkestinget.

Det er teke kontakt med Storebrand (notat frå advokatfirma Mageli om soliditet) og Pareto (innstillinga) for å avklare korleis dokumenta vert sladda. Etter at vi har motteke innspel frå dei to selskapa, vil VLFK gjere ei sjølvstendig vurdering av kva som vert gjort tilgjengeleg for ålmenta. Fylkesrådmannen legg til grunn at dette arbeidet er ferdig i løpet av kort tid.

Dei som ønskjer innsyn, må be om dette på ordinært vis ved å ta kontakt med VLFK og be om å få tilsendt dei aktuelle dokumenta.

#### **Svar på spørsmål 3:**

Fylkesmannen har beden om ny handsaming av kva det vert gjeve innsyn i - sjå vedlegg. VLFK vil som nemnt sladde ut det som er forretningsløyndomar frå alle aktuelle dokumenta og gjere desse tilgjengeleg for ålmenta. Dette må etter fylkesrådmannen si vurdering gjerast i samråd med dei som har skreve dokumenta ut frå kva dei ser på som forretningsløyndomar. VLFK kan ikkje gjere offentleg tilhøve som er forretningsløyndomar og må vere sikker på at vi ikkje kjem i ansvar for å ha publisert slike.

Fylkesrådmannen understrekar at administrasjonsutvalet, fylkesutvalet og fylkestinget har fått tilgang til alle dokumenta i saka som grunnlag for si sakshandsaming og vedtak.

### Vedlegg:

- Oversending av klage på avgjerd om delvis nekting av innsyn, brev frå Vestland fylkeskommune, 17.11.2020
- Vedtak i klagesak - Vestland fylkeskommune - innsyn i sak 20/38029 -

tjenestepensjon til ansatte og folkevalgte - KLP, brev får Fylkesmannen i Vestland,  
17.12.2020